



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ**

ք. Երևան

06.07.2021թ.

**Ո Ր Ո Շ ՈՒ Մ  
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ  
ՔՆՆՈՂ ԱՆՁԻ**

**թիվ ԳԲՔԱ-ԼՕ-2021/44**

Նախագահությամբ՝ ՀՀ գնումների հետ կապված բողոքներ քննող անձ Լ.  
Օհանյանի

Քարտուղարությամբ՝ Ռ. Մկրտչյանի

Պատվիրատու՝ «Նորք-Մարաշ բժշկական կենտրոն» ՓԲԸ

Բողոք բերող՝ «Մեգիէլ» ՍՊԸ

Մասնակցությամբ՝

«Նորք-Մարաշ բժշկական կենտրոն» ՓԲԸ-ի ներկայացուցիչներ՝ Տ. Զիլավյանի,  
Կ. Դրամբյանի,

«Մեգիէլ» ՍՊԸ-ի ներկայացուցիչ՝ Ա. Սարգսյանի,

Գնման ընթացակարգի ծածկագիրը և առարկան՝

«ՆՄԲԿ-ԲՄԱՊՁԲ-21/44» ծածկագրով բաց մրցույթ, բժշկական նշանակության  
ապրանքների ձեռքբերում

ՀՀ գնումների հետ կապված բողոքներ քննող անձը (այսուհետ նաև՝ Բողոքներ  
քննող անձ), քննության առնելով «Մեգիէլ» ՍՊԸ-ի (այսուհետ նաև՝ Ընկերություն)  
կողմից 04.06.2021թ.-ին ներկայացրած բողոքը (այսուհետ նաև՝ Բողոք) և կից  
փաստաթղթերը,

## Պ Ա Ր Ձ Ե Ց

### 1. Գործի նախապատմությունը.

Դիմելով ՀՀ գնումների հետ կապված բողոքներ քննող անձին՝ Ընկերությունը ներկայացրած բողոքով խնդրել է պարտավորեցնել «ՆՄԲԿ-ԲՄԱՊՁԲ-21/44» ծածկագրով բաց մրցույթի գնահատող հանձնաժողովին փոփոխություններ կատարել հրավերի 1-ին, 7-8-րդ և 11-րդ չափաբաժիններում բողոքով ներկայացված հիմնավորումներով:

Բողոքներ քննող անձին բողոքը մակագրվել է 01.06.2021թ.-ին:

Բողոքներ քննող անձի 03.06.2021թ.-ի թիվ /ԲՔԱ-ԼՕ/1/8950-2021 գրությամբ բողոքը վերադարձվել է՝ բողոքում առկա թերությունները վերացնելու համար:

Ընկերությունը 04.06.2021թ.-ին ներկայացրել է բողոքի շտկված տարբերակը, որը նույն օրը մակագրվել է Բողոքներ քննող անձին:

07.06.2021թ.-ին [www.gnumner.am](http://www.gnumner.am) կայքում հրապարակված հայտարարությամբ բողոքը ընդունվել է վարույթ, տրվել է թիվ ԳԲՔԱ-ԼՕ-2021/44 համարի ծածկագիրը:

18.06.2021թ.-ին, 01.07.2021թ.-ին և 06.07.2021թ.-ին նշանակվել և հրավիրվել են նիստեր:

Գործի քննությունն ավարտվել է 01.07.2021թ.-ին և Բողոքներ քննող անձի որոշման հրապարակման օր է նշանակվել 06.07.2021թ.-ին:

### 2. «Մեզիլ» ՍՊԸ-ի ներկայացրած փաստերը, հիմնավորումները և պահանջը.

«Մեզիլ» ՍՊԸ-ն 04.06.2021թ.-ին ներկայացրած բողոքով հայտնել է հետևյալը.

«1.1 «Նորք-Մարաշ բժշկական կենտրոն» ՓԲ ընկերության (հեղափոխություն) կողմից հայտարարվել է ՆՄԲԿ-ԲՄԱՊՁԲ-21/44 ծածկագրով բաց մրցույթ, որն իրականացվելու է մեկ փուլով:

1.2 Հրավերը հրապարակվել է 05.21.2021թ եւ մասնակցության հայտերի ներկայացման վերջնաժամկետ է սահմանված 07.06.2021թ ժամը 12:00 ներառյալ: Հայտերի բացումը տեղի է ունենալու 07.06.2021թ ժամը 12:00-ին:

1.3 «Մեզիլ» ՍՊ ընկերությունը (հեղափոխություն) ՆՄԲԿ-ԲՄԱՊՁԲ-21/44 ծածկագրով մրցույթին մասնակցելու նպատակով ուսումնասիրելով հրավերը տեխնիկական բնութագրերում արձանագրել է «Գնումների մասին» ՀՀ օրենքով սահմանված պահանջների անհամապատասխանություն:

1.4 Ըստ Ընկերության «Գնումների մասին» ՀՀ օրենքի եւ ՀՀ կառավարության 04.05.2017թ թիվ 526-Ն որոշման պահանջներին չեն համապատասխանում մրցույթի 1-ին, 7-8-րդ եւ 11-րդ. չափաբաժինները:

«Գնումների մասին» ՀՀ օրենքի (հետայսու Օրենք) 3-րդ հոդվածի 1-ին մասի 2-րդ կետի համաձայն Օրենքի նպատակն է ի թիվս այլի գնումների եւ գնումների գործընթացի տնտեսող, արդյունավետ եւ օգտավետ իրականացումը:

Համաձայն Օրենքի 3-րդ հոդվածի 2-րդ մասի Գնումների գործընթացը հիմնվում է հետեւյալ սկզբունքների վրա.

- 1) գնման գործընթացի միասնական կանոններով մրցակցային, թափանցիկ, համաչափ, հրապարակային եւ ոչ խտրական հիմունքներով կազմակերպում.
- 2) պայմանագրի կնքման նպատակով մասնակիցների շրջանակի ընդլայնում եւ նրանց միջեւ մրցակցության խրախուսում.
- 3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 7-րդ հոդվածի 1-ին մասի համաձայն ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Ներկայացված նորմերի վերլուծությունից փաստում ենք, որ գնումների օրենսդրությունը հիմնվում է գնման գործընթացի մրցակցային, թափանցիկ, համաչափ, հրապարակային, ոչ խտրական գնման գործընթացին մասնակցելու իրավահավասարության սկզբունքների վրա, ապահովելով գնումների գործընթացի տնտեսող, արդյունավետ եւ օգտավետ իրականացում:

Օրենքի 13-րդ հոդվածի համաձայն՝

1. Գնման առարկայի բնութագրերը պետք է ամբողջությամբ եւ հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման եւ վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված եւ համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում նաեւ աշխատանքների ծավալաթերթի, ժամանակացույցի եւ այլ ոչ գնային պայմանների ամբողջական եւ համարժեք նկարագրությունը:

3. Ելնելով գնման առարկայի առանձնահատկությունից դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների եւ Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաեւ որպես կատարողականի կամ գործառության (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին եւ պատվիրատուին ճշգրիտ ընկալել պայմանագրի առարկան:

«Հ կառավարության 04.05.2017թ թիվ 526-Ն որոշման (հեռայսու Կարգ) 22-րդ կետի համաձայն գնման առարկայի բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ եւ արտադրողներ բացառությամբ գնումը սույն կարգի 23-րդ կետի 4-րդ ենթակետով նախատեսված հիմքով կատարելու դեպքերի:

Օրենքի 25-րդ հոդվածի 2-րդ մասի համաձայն արգելվում է խմբավորել առանձին բնութագրեր ունեցող գնման առարկաները մեկ չափաբաժնում, բացառությամբ այն դեպքերի, երբ պատվիրատուն հիմնավորում է նման խմբավորման անհրաժեշտությունը: Վիճարկվող չափաբաժինների տեխնիկական բնութագրերը չեն համապատասխանում նշված նորմի պահանջներին:

Վիճարկվող չափաբաժիններով խմբավորված են առանձին բնութագրեր ունեցող գնման առարկաներ, որը Օրենքի 25-րդ հոդվածի 2-րդ մասի խախտում է:

Ընթացակարգ 1-ին չափաբաժնով պահանջվում է կաթեփեր ախտորոշիչ եւ պահանջվող ապրանքների մի քանի տեսակներ խմբավորված են մեկ չափաբաժնում: Խմբավորմամբ Պարվիրատուն արհեստականորեն սահմանափակում է հնարավոր մասնակիցների շրջանակը եւ նրանց միջեւ մրցակցության հնարավորությունը արդյունքում խախտելով Օրենքի 3-րդ հոդվածով սահմանված պահանջները, քանի դեռ տեխնիկական բնութագրով շարադրված տեսակները խմբավորված են մեկ չափաբաժնում, այն արտադրողները որոնք չեն արտադրում այդ տեսակներից թեկուզ մեկը գրված են Ընթացակարգին մասնակցելու օրենքով իրենց վերապահված իրավունքն իրացնելու հնարավորությունից, ուստի Պարվիրատուն պետք է հրավերում կատարի փոփոխություն 1-ին չափաբաժնով ներկայացված գնման առարկայի տեսակները փոփոխ առանձին չափաբաժինների եւ յուրաքանչյուր տեսակի համար սահմանի իր տեսակին բնորոշ հստակ տեխնիկական բնութագիր:

Ընթացակարգի 7-րդ եւ 8-րդ չափաբաժիններով Պարվիրատուն պահանջում է ստենտ դեղապատ դեղի ծածկույթը էվերոլիմուս:

Չափաբաժիններով նշված դեղանյութի մեկ տեսակի առկայությունը արհեստականորեն սահմանափակում է հնարավոր մասնակիցների շրջանակը եւ նրանց միջեւ մրցակցության հնարավորությունը, արդյունքում խախտելով Օրենքի 3-րդ հոդվածով սահմանված պահանջները:

7-րդ եւ 8-րդ չափաբաժիններով պահանջվող դեղապատ ստենտի տեխնիկական բնութագրերով պետք է դեղանյութի ծածկույթ նշվի պարզապես դեղի նյութը լիմոս ընտանիքի (զոտորոլիմուս, սիրոլիմուս եւ էվերոլիմուս), այլապես Պարվիրատուն արհեստականորեն սահմանափակում է հնարավոր մասնակիցների շրջանակը եւ մրցակցության հնարավորությունը, այդպիսով խախտելով Օրենքի 3-րդ հոդվածը,

Կառավարության 04.05.2017թ թիվ 526-Ն որոշման 22-րդ կետի պահանջը: Ի դեպ զուտորոլիմոս դեղանյութով ստենտ ձեռք է բերում, շուրջ 3 ամիս, «Մեգիէլ» ՍՊ ընկերությունից առանց մրցույթի:

Բացի այդ, 7-րդ եւ 8-րդ չափաբաժիններով տրամադրի եւ երկարության միջակայք է նշված, որն ընդհանրական է, քանի որ կախված տրամադրից եւ երկարությունից, դեղապատ ստենտի տեսակը կարող է փոխվել, ուստի Պարվիրատուն հրավերում պետք է կատարի փոփոխություն հստակ նշելով իրեն անհրաժեշտ դեղապատ ստենտի ապրանքի տեսակը սահմանելով դրան բնորոշ հստակ տեխնիկական բնութագիր:

11-րդ չափաբաժնով պահանջվող փական բիոլոգիական ապրանքների տեսակները նույնպես խմբավորված են մեկ չափաբաժնով, որը՝ հանգեցնում է Օրենքի 3-րդ, 25-րդ հոդվածների եւ Կարգի 22-րդ կետի պահանջի խախտման: Նորմերի խախտման հիմնավորումները ներկայացվել են վերոգրյալով:

Ըստ էության, Պարվիրատում, սույն բողոքով վիճարկվող բոլոր չափաբաժիններով խմբավորել է փարբեր տեխնիկական բնութագրեր ունեցող ապրանքներ:

Պարվիրատուի ներկայացրած տեխնիկական բնութագրերը պետք է լինեն հստակ ընկալելի, խոչընդոտներ չառաջացնող, փարընկալման տեղիք չտվող, մասնակցությունը չսահմանափակող, հնարավոր մասնակիցների ընդլայնում եւ մրցակցություն ապահովի: Պարվիրատուին պարտավորեցնել մեկ չափաբաժնով խմբավորված փարբեր ապրանքները ներկայացնել առանձին չափաբաժիններով, ապահովելով ոլորտը կարգավորող օրենսդրի պահանջը: Ի դեպ դրանք իմպերատիվ նորմեր են եւ հայեցողական մեկնաբանության արդյունքում հարմարությունից ելնելով առաջնորդվելու իրավասությամբ օրենսդիրը կիրառողներին չի լիազորել:

Վիճարկվող տեխնիկական բնութագրերը չեն ապահովում Օրենքի 13-րդ, 25-րդ հոդվածների եւ Կրագի 22-րդ կետի պահանջը:

Սույն բողոքը համապատասխանում է «Գնումների մասին» օրենքի 50-րդ հոդվածի 1-ին մասի պահանջներին.

1. Գնումների հետ կապված բողոքներ քննող անձին բողոքը ներկայացվում է գրավոր, ստորագրված, դրանում ներառելով

- 1) բողոքը ներկայացրած անձի անվանումը (անունը, ազգանունը, անձը հաստատող փաստաթղթի պատճենը) եւ հասցեն.
- 2) պարվիրատուի անվանումը եւ հասցեն.
- 3) բողոքարկվող գնման ընթացակարգի ծածկագիրը եւ առարկան.
- 4) վեճի առարկան եւ բողոքը ներկայացրած անձի պահանջը.
- 5) բողոքի փաստացի եւ իրավական հիմքերը, ապացույցները.
- 6) բողոքարկման վճարը կատարած լինելը հիմնավորող փաստաթղթի պատճենը:

7) այլ անհրաժեշտ տեղեկություններ:

Օրենսդրի կողմից սահմանված վերոնշված պահանջներն առկա են սույն բողոքում: Համաձայն նշված հոդվածի 1-ին մասի 4-րդ կետի բողոքը ներկայացված է վեճի առարկան եւ պահանջը:

Եթե բողոքով ներկայացված վեճի առարկայի եւ պահանջի միջեւ ՀՀ գնումների հետ կապված բողոքներ քննող անձի դիտարկմամբ կան որոշակի անհստակություններ, ապա դա ամենևին բողոքը վերադարձնելու հիմք չի կարող լինել, իսկ բողոքը վարույթ ընդունելը մերժելու հիմքեր «Գնումների մասին» ՀՀ օրենքը չի նախատեսում:

Ներկայացված բողոքի իրավական հիմքերի են ապացույցների լրացման, փոփոխման նպատակով բողոքաբերը սահմանափակված չէ եւ դրանք կարող է ներկայացնել նաեւ բողոքի քննության ընթացքում, ինչ վերաբերում է բողոքի պահանջին եւ վեճի առարկային, ապա այդ առումով եւս բողոքաբերը սահմանափակված եւ կաշկանդված չէ լրացնելու եւ/կամ փոփոխելու, հստակեցնելու բողոքի քննության ընթացքում, ընդհուպ մինչեւ բողոք քննող անձի կողմից որոշում կայացնելը: Պահանջի փոփոխման, լրացման կամ նոր ապացույցներ եւ իրավական հիմքեր ներկայացնելու անհրաժեշտությունը կարող է առաջանալ նաեւ կապված Պատվիրատուի ներկայացրած դիրքորոշումից:»:

Ելնելով վերոգրյալներից՝ Ընկերությունը Բողոքներ քննող անձին խնդրել է պարտավորեցնել «ՆՄԲԿ-ԲՄԱՊՁԲ-21/44» ծածկագրով բաց մրցույթի գնահատող հանձնաժողովին փոփոխություններ կատարել հրավերի 1-ին, 7-8-րդ և 11-րդ չափաբաժիններում բողոքով ներկայացված հիմնավորումներով:

### **3. «Նորք-Մարաշ բժշկական կենտրոն» ՓԲԸ-ի կողմից բողոքի վերաբերյալ ներկայացված փաստարկները, հիմնավորումները և դիրքորոշումը.**

Բողոքներ քննող անձը 07.06.2021թ.-ին թիվ /ԲՔԱ-ԼՕ/2/9073-2021 գրությամբ դիմել է «Նորք-Մարաշ բժշկական կենտրոն» ՓԲԸ-ին (այսուհետ նաև՝ Պատվիրատու), հնարավորություն տալով «Մեգիէլ» ՍՊԸ-ի կողմից 04.06.2021թ.-ին ներկայացված բողոքի վերաբերյալ ներկայացնել անհրաժեշտ բոլոր փաստաթղթերի պատճեններն ու Պատվիրատուի գրավոր կարծիքը:

Պատվիրատուն ստանալով գրավոր դիրքորոշում հայտնելու վերաբերյալ գրությունը, ինչպես նաև ծանուցված լինելով նիստերի տեղի, օրվա և ժամի մասին, ներկայացել է հրավիրված նիստերին:

Պատվիրատուն 10.06.2021թ.-ին թիվ 08-290 գրությամբ ներկայացված դիրքորոշմամբ հայտնել է հետևյալը.

«Ի պատրաստիս» «Մեգիէլ» ՍՊԸ-ի կողմից ՆՄԲԿ-ԲՄԱՊԶԲ-21/44 ծածկագրով գնման ընթացակարգի (այսուհետև՝ Ընթացակարգ) վերաբերյալ 04.06.2021թ. ներկայացված ԳԲՔԱ-ԼՕ-2021/44 ծածկագրով բողոքի, հայտնում ենք հետևյալը.

Օրենքի 3-րդ հոդվածի 1-ին կետը սահմանում է հետևյալը.

1. Սույն օրենքի նպատակն է ապահովել գնումների գործընթացում հատուցման դիմաց արժեք, այն է՝

1) պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերում՝ համարժեք հատուցամամբ:

2) գնումների և գնումների գործընթացի տնտեսող, արդյունավետ և օգտավետ իրականացում:

Օրենքի 13-րդ հոդվածը սահմանում է հետևյալը.

«1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

3. Ելնելով գնման առարկայի առանձնահատկությունից դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և



Հայաստանի Հանրապետությունում գործող նորմատիվափոփոխիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր փոփոխիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառության (ֆունկցիոնալ) նկարագրեր, որոնք պետք է ներկայացվեն բավարար ճշտությամբ հնարավորություն տալով մասնակիցներին և պատվիրատուին ճշգրիտ ընկալել պայմանագրի առարկան:

5. Գնման առարկայի հատկանիշները չպետք է պահանջ կամ հղում պարունակեն որևէ առևտրային նշանի, ֆիրմային անվանմանը, արտոնագրին, էսքիզին կամ մոդելին, ծագման երկրին կամ կոնկրետ աղբյուրին կամ արտադրողին, բացառությամբ այն դեպքերի, երբ անհնար է գնման առարկայի բնութագրումն առանց դրանց: Հղումներ օգտագործելու դեպքում հատկանիշների բնութագիրը պետք է պարունակի «կամ համարժեք» բառերը: »

Օրենքի 7-րդ հոդվածի 1-ին և 2-րդ մասերի համաձայն.

«1. Ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

2. Գնումների գործընթացին որևէ երկրի ռեզիդենտ հանդիսացող անձի (անձանց) մասնակցությունը կարող է սահմանափակվել միայն Հայաստանի Հանրապետության կառավարության որոշմամբ, եթե դա անհրաժեշտ է Հայաստանի Հանրապետության ազգային անվտանգության և պաշտպանության ապահովման համար:»

«Գնումների մասին» ՀՀ օրենքի 25-րդ հոդվածի 2-րդ կետը սահմանում է հետևյալը.

2. Արգելվում է խմբավորել առանձին բնութագրեր ունեցող գնման առարկաները մեկ չափաբաժնում, բացառությամբ այն դեպքերի, երբ պատվիրատուն հիմնավորում է նման խմբավորման անհրաժեշտությունը:

ՀՀ Կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման կարգ»-ի 22-րդ կետի համաձայն .

«Գնման առարկայի բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ և արտադրողներ՝ բացառությամբ գնումը սույն կարգի 23-րդ կետի 4-րդ ենթակետով նախատեսված հիմքով կատարելու դեպքերի»

ՀՀ Կառավարության 04.05.2017թ. թիվ 526-Ն որոշման 4-րդ կետը սահմանում է.

Գնման գործընթացը հետևյալ գործընթացների (գործառույթների) ամբողջությունն է

- 1) գնումների պլանավորում.
- 2) գնման գործընթացի կազմակերպում (ներառյալ գնման առարկայի բնութագրերի հաստատումը).
- 3) պայմանագրի կնքում.
- 4) պայմանագրի կատարում և կառավարում:

ԳԲՔԱ-ԼՕ-2021/44 ծածկագրով բողոքով Մասնակցի բարձրագրած հարցերի շուրջ նախորդ՝ ԳԲՔԱ-ԼՕ-2021/30 բողոքի շրջանակներում արդեն իսկ պարզվիրատուն հիմնավորել է տարբեր բնութագրեր ունեցող ապրանքների մեկ չափաբաժնում խմբավորելու անհրաժեշտությունը, ինչպես նաև դրանք տարանջատելու անընդունելիությունը և ԳԲՔԱ-ԼՕ-2021/30 բողոքը 1-ին, 7-րդ, 8-րդ և 11-րդ չափաբաժիններով բավարարվել էր մասնակի՝ հրավերի տեխնիկական բնութագրերը Կարգի 22-րդ կետի պահանջներին չհամապատասխանելու հիմքով: ԳԲՔԱ-ԼՕ-2021/30 բողոքի որոշումով հստակ արտահայտված է այդ դիրքորոշումը, հետևաբար որոշման կատարմանն ուղղված գործողությունների արդյունքում Պարզվիրատուն նշված չափաբաժինների տեխնիկական բնութագրերում կատարել է փոփոխություններ և այդտեղից բացառել բոլոր խնդրահարույց ցուցանիշները, դրանով իսկ ապահովել այն մոտեցումը, որ խմբավորման հիմնավորումից բացի, նախ և առաջ տեխնիկական բնութագրերը պետք է համապատասխանեն Կարգի 22-րդ կետի պահանջներին: Փաստացի, փոփոխված հրավերով Պարզվիրատուն հստակ կատարել է ԳԲՔԱ-ԼՕ-2021/30 բողոքի որոշման պահանջը և 1-ին, 7-րդ, 8-րդ և 11-րդ չափաբաժինների տեխնիկական բնութագրերը բավարարում են մեկից ավելի հնարավոր մասնակիցներ և արտադրողներ, որի համար ստորև ներկայացնում ենք տեղեկություն աղյուսակի տեսքով.

Չափաբաժնի համարը	Չափաբաժնի անվանումը	Հրավերով նախատեսված տեխնիկական բնութագրերը	Նախատեսված տեխնիկական բնութագրերին համապատասխանող բնութագրերով ապրանք առտառոտների անմանումներ
------------------	---------------------	--	---

1	Կաթետր ախտորոշիչ	Կաթետրի նյութը նեյլոն կամ պոլիուրեթան, կաթետրը օժտված է կաթետրին հատուկ ամրությամբ և ռենտգենկոնտրաստությամբ: Նյութը ապահովում է կաթետրի ճկունությունը ըստ համապատասխան անոթի: Ունի չվնասող, ռենտգենկոնտրաստ դիսպրալ ծայր, կաթետրի ներքին լուսանցք է՝ 4F; 5F; 6F, մաքսիմալ ճնշումը 1200psi, երկարությունը՝ ոչ պակաս քան 80սմ, ոչ ավել քան 125սմ: Կաթետրի ծայրի ձևերը- JL 3,5; JL4; JL5; JL6; JR3,5; JR4; JR5; JR6; AL1; AL2; AL3; AR1; AR2; MPA2; IM; PIGTAIL: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից փոխարինված երաշխիքային նամակ:	Ջոնսոն և Ջոնսոն, Կորդիս <a href="https://www.cordis.com/content/dam/cordis/web/documents/cataloga/cordis-us-cardiovascular-cataloga-2020.pdf">https://www.cordis.com/content/dam/cordis/web/documents/cataloga/cordis-us-cardiovascular-cataloga-2020.pdf</a>	Մերիթ Մեդիքալ <a href="https://cloud.merit.com/cataloga/Brochures/400463001-G.pdf">https://cloud.merit.com/cataloga/Brochures/400463001-G.pdf</a>
7	Սրտենր դեղապար	Դեղը էվերոլիմոս, սրտենրի նյութը քրոմի համաձուլվածք : Տրամազները՝ 2,25մմ, 2,5մմ, 2,75մմ, 2,0iSiS, 4,0մմ: Երկարությունների 2,25մմ տրամազի դեպքում ամենակարճը ոչ ավել 8մմ, ամենաերկարը ոչ պակաս 28մմ և այդ միջակայքում ըստ արտադրողի բոլոր չափերը: 2,5-ից 4,0մմ տրամազների դեպքում ամենակարճը ոչ ավել 8մմ, ամենաերկարը՝ ոչ պակաս քան 38մմ և այդ միջակայքում ըստ արտադրողի բոլոր չափերը: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից փոխարինված երաշխիքային նամակ:	Էբբոպ <a href="http://www.cardiovascular.abbot/us/en/hcp/products/percutaneous-coronary-intervention/xience-familv.html">http://www.cardiovascular.abbot/us/en/hcp/products/percutaneous-coronary-intervention/xience-familv.html</a>	Բոստոն Սայենսիֆիկ <a href="https://www.bostonscientific.com/en-US/products/stent-S">https://www.bostonscientific.com/en-US/products/stent-S</a> coronary/promus-premier-stent-system.html
8	Սրտենր դեղապար	Դեղը էվերոլիմոս, սրտենրի նյութը քրոմի համաձուլվածք, Տրամազները 2,25մմ, 2,5մմ, 2,75մմ, 3,0մմ, 3,5մմ, 4,0մմ: Երկարությունները՝ 2,25մմ տրամազի դեպքում ամենակարճը ոչ ավել 8մմ, ամենաերկարը ոչ պակաս 28մմ և այդ միջակայքում ըստ արտադրողի բոլոր չափերը: 2,5-ից 4,0մմ տրամազների դեպքում ամենակարճը ոչ ավել 8մմ, ամենաերկարը՝ ոչ պակաս քան 38մմ և այդ միջակայքում ըստ արտադրողի բոլոր չափերը: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից փոխարինված երաշխիքային նամակ:	Էբբոպ <a href="https://www.cardiovascular.abbot/us/en/hco/oroducts/percutaneous-coronary-intervention/xience-familv.html">https://www.cardiovascular.abbot/us/en/hco/oroducts/percutaneous-coronary-intervention/xience-familv.html</a>	Բոստոն Սայենսիֆիկ <a href="https://www.bostonscientific.com/en-us/products/stent-s">https://www.bostonscientific.com/en-us/products/stent-s</a> coronary/promus-premier-stent-system.html
11	Փական բիոլոգիական	Սրտի աորտայի փականի բիոլոգիական պրոտեզ, միտրալ և աորտալ խոզի պերիկարդից, աորտալ փականի չափերը՝ 21,23, 25, 27 և 29մմ ըստ պատվերի, միտրալ փականի չափերը՝ 25, 27, 29, 31 և 33մմ ըստ պատվերի: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից փոխարինված երաշխիքային նամակ:	Էբբոպ <a href="https://www.cardiovascular.abbot/int/en/hcp/oroducts/structural-heart/surgical-valve-solutions/epic-tissue-valve.html">https://www.cardiovascular.abbot/int/en/hcp/oroducts/structural-heart/surgical-valve-solutions/epic-tissue-valve.html</a>	Մեդտրոնիկ <a href="https://europe.medtronic.com/xd-en/healthcare-professionals/products/cardiovascular/heart-valves-surgical/hancock-ii-hancock-ii-ultra-bioprostheses.htm">https://europe.medtronic.com/xd-en/healthcare-professionals/products/cardiovascular/heart-valves-surgical/hancock-ii-hancock-ii-ultra-bioprostheses.htm</a>

Սրտենրերի դեղի նյութի մասով, ինչպես նախկինում, այնպես էլ հիմա հայտնում ենք, որ ցանկացած ապրանք, որն իր մեջ պարունակում է ինչ որ դեղամիջոց, անհրաժեշտ է բնութագրել նշելով այդ դեղի և հստակ անվանումը, և հստակ դոզան, բացառությամբ այն դեպքերի, երբ դրանք նշելու դեպքում գնման առարկայի տեխնիկական բնութագրերը կհակասեն Կարգի 22-րդ կետի պահանջներին: Ընդ որում Օրենքի 13-րդ հոդվածի պահանջն է հնարավորինս լիարժեք և հստակ նկարագրել

ապրանքը: Հստակ դեղի նյութը նշելու փոխարեն դեղի խումբը նշելը հավասարազոր է ընդհանրապես այն չնշելուն, քանի որ բոլոր ստենտերի դեղի նյութերը բնականաբար պետք է լինեն անոթների բուժմանն ուղղված և պարական են նույն խմբին:

7-րդ և 8-րդ չափաբաժինների տրամագծերի և երկարությունների մասով նույնպես Մասնակիցը սխալ է մեկնաբանում բնութագրերը: Տեխնիկական բնութագրերում տրամագծերի միջակայք գոյություն չունի, այնտեղ նշված են հստակ տրամագծեր, ընդ որում դրանք նույնական են գրեթե բոլոր արտադրողների դեղապար ստենտերի համար: Երկարությունների մասով, ըստ կոնկրետ տրամագծերի նշված է երկարության միջակայք, իր վերին և ներքևի սահմաններով, ընդ որում Մասնակցին տրվել է հնարավորություն ներկայացնել ըստ արտադրողի այդ սահմանում ընկած չափերը: Նշված պայմանը չի խոչընդոտում մեկից ավելի մասնակցի կամ արտադրողի մասնակցությունը և չի հակասում Կարգի 22-րդ կետի պահանջներին:

Ամփոփելով վերոգրյալը, գտնում ենք, որ Մասնակցի բողոքը հիմանվոր չէ:»:

#### **4. ԳԲՔԱ-ԼՕ-2021/44 բողոքի քննության համար էական նշանակություն ունեցող փաստերը.**

Սույն գործի քննության համար էական նշանակություն ունեցող փաստերի համաձայն՝

i. «Նորք-Մարաշ բժշկական կենտրոն» ՓԲԸ-ի կողմից բժշկական նշանակության ապրանքների ձեռքբերման նպատակով 15.02.2021թ.-ին հայտարարվել է «ՆՄԲԿ-ԲՄԱՊՁԲ-21/44» ծածկագրով բաց մրցույթ (այսուհետ նաև՝ Մրցույթ կամ Ընթացակարգ):

ii. «Մեգիէլ» ՍՊԸ-ն 01.03.2021թ.-ին դիմելով ՀՀ գնումների հետ կապված բողոքներ քննող անձին՝ Ընկերությունը ներկայացրած բողոքով խնդրել է՝ պարտավորեցնել «Նորք-Մարաշ բժշկական կենտրոն» ՓԲԸ-ին «ՆՄԲԿ-ԲՄԱՊՁԲ-21/44» ծածկագրով բաց մրցույթի գնման ընթացակարգը՝ 1-9-րդ չափաբաժինների մասով հայտարարել չկայացած: 01.03.2021թ.-ին է [www.gnumner.am](http://www.gnumner.am) կայքում հրապարակված հայտարարությամբ բողոքը ընդունվել է վարույթ, տրվել է թիվ ԳԲՔԱ-ԼՕ-2021/11 համարի ծածկագիրը: Գործի քննությունն ավարտվել է 18.03.2021թ.-ին և Բողոքներ քննող անձի որոշման հրապարակման օր է նշանակվել 26.03.2021թ.-ին:

iii. Բողոքներ քննող անձը որոշել է «Մեգիէլ» ՍՊԸ-ի կողմից 01.03.2021թ.-ին ներկայացված ԳԲՔԱ-ԼՕ-2021/11 ծածկագրով բողոքը բավարարել մասնակիորեն՝

պարտավորեցնել «ՆՄԲԿ-ԲՄԱՊՁԲ-21/44» ծածկագրով բաց մրցույթի գնահատող հանձնաժողովին կատարել սույն որոշմամբ նշված փոփոխությունները: Փոփոխություն կատարելու անհնարինության դեպքում գնման ընթացակարգը՝ 1-9 չափաբաժինների մասով հայտարարել չկայացած:

iv. [www.gnumner.am](http://www.gnumner.am) կայքում 06.04.2021թ.-ին հրապարակվել է «ՆՄԲԿ-ԲՄԱՊՁԲ-21/44» ծածկագրով գնման ընթացակարգի հրավերի փոփոխության մասին հայտարարություն:

v. «Մեգիէլ» ՍՊԸ-ն 14.04.2021թ.-ին դիմելով ՀՀ գնումների հետ կապված բողոքներ քննող անձին՝ Ընկերությունը ներկայացրած բողոքով խնդրել է պարտավորեցնել «Նորք-Մարաշ բժշկական կենտրոն» ՓԲԸ-ին չկայացած համարելու «ՆՄԲԿ-ԲՄԱՊՁԲ-21/44» ծածկագրով բաց մրցույթի գնման ընթացակարգի 1-9-րդ և 11-13-րդ չափաբաժինները կամ կատարել փոփոխություններ: 15.04.2021թ.-ին [www.gnumner.am](http://www.gnumner.am) կայքում հրապարակված հայտարարությամբ բողոքը ընդունվել է վարույթ, տրվել է թիվ ԳԲՔԱ-ԼՕ-2021/30 համարի ծածկագիրը: Գործի քննությունն ավարտվել է 07.05.2021թ.-ին և Բողոքներ քննող անձի որոշման հրապարակման օր է նշանակվել 14.05.2021թ.-ին:

vi. Բողոքներ քննող անձը որոշել է «Մեգիէլ» ՍՊԸ-ի կողմից 14.04.2021թ.-ին ներկայացված ԳԲՔԱ-ԼՕ-2021/30 ծածկագրով բողոքը բավարարել մասնակիորեն՝ Պարտավորեցնել «ՆՄԲԿ-ԲՄԱՊՁԲ-21/44» ծածկագրով բաց մրցույթի գնահատող հանձնաժողովին կատարել սույն որոշմամբ նշված չափաբաժինների մասով (1-ին, 7-րդ, 8-րդ և 11-րդ) փոփոխություններ: Փոփոխություն կատարելու անհնարինության դեպքում գնման ընթացակարգը նույն չափաբաժինների մասով հայտարարել չկայացած:

vii. [www.gnumner.am](http://www.gnumner.am) կայքում 21.05.2021թ.-ին հրապարակվել է «ՆՄԲԿ-ԲՄԱՊՁԲ-21/44» ծածկագրով գնման ընթացակարգի հրավերի փոփոխության մասին հայտարարություն:

viii. Ընթացակարգի փոփոխված հրավերի հավելված 6-ով՝ պետության կարիքների համար ապրանքի մատակարարման պայմանագրի հավելված 1-ով՝ տեխնիկական բնութագիր - գնման ժամանակացույցով (այսուհետ նաև՝ Հավելված 1) 1-ին, 7-րդ, 8-րդ և 11-րդ չափաբաժինների մասով սահմանվել է հետևյալը.

- 1-ին չափաբաժնի համար՝ ապրանքի անվանումը և ապրանքային նշանը սահմանվել է «Կաթեպր ախորոշիչ»: Վերջինիս տեխնիկական բնութագիրը սահմանվել է՝ «Կաթեպրի նյութը նեյլոն կամ պոլիուրետան, կաթեպրը օժտված է կաթեպրերին հաբուկ ամրությամբ և ռենդգենկոնտրաստությամբ: Նյութը ապահովում է

կաթեղրի ճկունությունը ըստ համապատասխան անոթի: Ունի չվնասող, ռենտգենկոնտրաստ դիսֆալ ծայր, կաթեղրի ներքին լուսանցք է՝ 4F; 5F; 6F, մաքսիմալ ճնշումը 1200psi, երկարությունը՝ ոչ պակաս քան 80սմ, ոչ ավել քան 125սմ: Կաթեղրի ծայրի ձեւերը՝ JL 3,5; JL4; JL5; JL6; JR3,5; JR4; JR5; JR6; AL1; AL2; AL3; AR1; AR2; MPA2; IM; PIGTAIL: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ:»։ Արտադրողի և ապրանքային նշանի անվանում չի նշվել: 2021թ.ի գնման պլանով նախատեսված ընդհանուր քանակը նշվել է 2000 հատ:

- 7-րդ չափաբաժնի համար՝ 1-ին չափաբաժնի համար՝ ապրանքի անվանումը և ապրանքային նշանը սահմանվել է «Սրենյո դեղապատ»: Վերջինիս տեխնիկական բնութագիրը սահմանվել է՝ «Դեղը էվերոլիմուս, սրենյոի նյութը քրոմի համաձուլվածք, :Տրամագծերը՝ 2,25մմ, 2,5մմ, 2,75մմ, 3,0մմ, 3,5մմ, 4,0մմ: Երկարությունները՝ 2,25մմ տրամագծի դեպքում ամենակարճը ոչ ավել 8մմ, ամենաերկարը ոչ պակաս 28մմ և այդ միջակայքում ըստ արտադրողի բոլոր չափերը; 2,5-ից 4,0մմ տրամագծերի դեպքում ամենակարճը ոչ ավել 8մմ, ամենաերկարը՝ ոչ պակաս քան 38մմ և այդ միջակայքում ըստ արտադրողի բոլոր չափերը: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ:»։ Արտադրողի և ապրանքային նշանի անվանում չի նշվել: 2021թ.ի գնման պլանով նախատեսված ընդհանուր քանակը նշվել է 200 հատ:

- 8-րդ չափաբաժնի համար՝ 1-ին չափաբաժնի համար՝ ապրանքի անվանումը և ապրանքային նշանը սահմանվել է «Սրենյո դեղապատ»: Վերջինիս տեխնիկական բնութագիրը սահմանվել է՝ «Դեղը էվերոլիմուս, սրենյոի նյութը քրոմի համաձուլվածք, :Տրամագծերը՝ 2,25մմ, 2,5մմ, 2,75մմ, 3,0մմ, 3,5մմ, 4,0մմ: Երկարությունները՝ 2,25մմ տրամագծի դեպքում ամենակարճը ոչ ավել 8մմ, ամենաերկարը ոչ պակաս 28մմ և այդ միջակայքում ըստ արտադրողի բոլոր չափերը; 2,5-ից 4,0մմ տրամագծերի դեպքում ամենակարճը ոչ ավել 8մմ, ամենաերկարը՝ ոչ պակաս քան 38մմ և այդ միջակայքում ըստ արտադրողի բոլոր չափերը: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ:»։ Արտադրողի և ապրանքային նշանի անվանում չի նշվել: 2021թ.ի գնման պլանով նախատեսված ընդհանուր քանակը նշվել է 150 հատ:

- 11-րդ չափաբաժնի համար՝ 1-ին չափաբաժնի համար՝ ապրանքի անվանումը և ապրանքային նշանը սահմանվել է «Փական բիոլոգիական»: Վերջինիս տեխնիկական բնութագիրը սահմանվել է՝ «Սրտի աորտայի փականի բիոլոգիական պրոտեզ, միտրալ

և աորտալ, խոզի պերիկարդից, աորտալ փականի չափսերը՝ 21, 23, 25, 27 և 29մմ ըստ պարվերի, միտրալ փականի չափսերը՝ 25, 27, 29, 31 և 33մմ ըստ պարվերի: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ:»։ Արտադրողի և ապրանքային նշանի անվանում չի նշվել: 2021թ.ի գնման պլանով նախատեսված ընդհանուր քանակը նշվել է 15 հատ:

##### **5. Բողոքներ քննող անձի հիմնավորումները և եզրահանգումը.**

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակցությանը, որ «Մեգիէլ» ՍՊԸ-ի կողմից 04.06.2021թ.-ին ներկայացված բողոքն անհիմն է և ենթակա մերժման ամբողջությամբ, հետևյալ պատճառաբանությամբ.

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի 1-ին և 2-րդ կետերի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Վերոնշյալ իրավական նորմերի վերլուծության արդյունքում, Բողոքներ քննող անձը, փաստում է, որ գնումների օրենսդրությունը, հիմնվելով գնման գործընթացի մրցակցային, թափանցիկ, համաչափ, հրապարակային, ոչ խտրական, գնման գործընթացին մասնակցելու իրավահավասարության սկզբունքների վրա, նպատակ է հետապնդում ապահովելու գնումների գործընթացում հատուցման դիմաց պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների

ձեռքբերումը՝ համարժեք հատուցմամբ, և որ ամենակարևորն է՝ գնումների գործընթացի տնտեսող, արդյունավետ և օգտավետ իրականացման ապահովումը:

Ինչպես նաև, Բողոքներ քննող անձը հարկ է համարում հավելել, որ վերոնշյալ սկզբունքների ապահովումն ու իրականացումը գնումների օրենսդրության շրջանակներում իրացնելու համար, անհրաժեշտ պայման է նաև ցանկացած անձի՝ գնման գործընթացին մասնակցելու հավասար իրավունք ունենալու սկզբունքը՝ անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից:

Օրենքի 13-րդ հոդվածի համաձայն՝

1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:



4. Գնման առարկայի հատկանիշները կարող են սահմանվել նաև որպես կատարողականի կամ գործառության (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին և պատվիրատուին ճշգրիտ ընկալել պայմանագրի առարկան:

5. Գնման առարկայի հատկանիշները չպետք է պահանջ կամ հղում պարունակեն որևէ առևտրային նշանի, ֆիրմային անվանմանը, արտոնագրին, էսքիզին կամ մոդելին, ծագման երկրին կամ կոնկրետ աղբյուրին կամ արտադրողին, բացառությամբ այն դեպքերի, երբ անհնար է գնման առարկայի բնութագրումն առանց դրանց: Հղումներ օգտագործելու դեպքում հատկանիշների բնութագիրը պետք է պարունակի «կամ համարժեք» բառերը:

«Կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 21-րդ կետի 1-ին ենթակետի «ա» պարբերության համաձայն՝ ... կազմում և հաստատում է գնման հայտը, որը ներառում է գնման առարկայի բնութագրերը: Ապրանքների գնման դեպքում նշվում է նաև մասնակցի կողմից առաջարկվող ապրանքային նշանի, ֆիրմային անվանման, մակնիշի և արտադրողի վերաբերյալ տեղեկատվության ներկայացման անհրաժեշտությունը, իսկ պայմանագրի կատարման փուլում ապրանքն արտադրողից կամ վերջինիս ներկայացուցից երաշխիքային նամակի կամ համապատասխանության սերտիֆիկատի ներկայացման անհրաժեշտությունը, եթե դրանք կիրառելի են տվյալ ապրանքի համար: Ընդ որում, պայմանագրի կատարման փուլում այն կնքած մասնակցից ծագման երկրի սերտիֆիկատ չի պահանջվում:

Կարգի 22-րդ կետի համաձայն՝ գնման առարկայի բնութագրերը և մասնակիցների որակավորման հատկանիշների գնահատմանը ներկայացվող չափանիշները սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ...:

Բողոքներ քննող անձն արձանագրում է, որ Ընթացակարգի հրավերի թիվ 1 հավելվածով՝ տեխնիկական բնութագիր-գնման ժամանակացույցով սահմանված ցանկացած պահանջ պետք է ապահովի մրցակցության հավասար պայմաններ հնարավոր մասնակիցների համար, օբյեկտիվորեն հիմնավորված և համարժեք լինի այն կարիքին, որի բավարարման նպատակով կատարվում է տվյալ գնումը:

Տեխնիկական բնութագրով սահմանված այն չափորոշիչների մասով, որոնք պարունակում են հղում ապրանքային նշանին, սահմանված պետք է լինի «կամ համարժեք» արտահայտությունը:

Բողոքներ քննող անձը փաստում է, որ գնումների օրենսդրությունը, հիմնվելով գնման գործընթացի մրցակցային, թափանցիկ, համաչափ, հրապարակային, ոչ խտրական, գնման գործընթացին մասնակցելու իրավահավասարության սկզբունքների վրա, նպատակ է հետապնդում ապահովելու գնումների գործընթացում հատուցման դիմաց պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերումը՝ համարժեք հատուցմամբ, և որ ամենակարևորն է՝ գնումների գործընթացի տնտեսող, արդյունավետ և օգտավետ իրականացման ապահովումը:

Ինչպես նաև, Բողոքներ քննող անձը հարկ է համարում հավելել, որ վերոնշյալ սկզբունքների ապահովումն ու իրականացումը գնումների օրենսդրության շրջանակներում իրացնելու համար, անհրաժեշտ պայման է նաև ցանկացած անձի՝ գնման գործընթացին մասնակցելու հավասար իրավունք ունենալու սկզբունքը՝ անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից:

Բողոքներ քննող անձն փաստում է նաև, որ Ընթացակարգի գնման առարկայի բնութագրերն ամբողջությամբ և հստակ պետք է նկարագրեն ձեռքբերվող ապրանքի հատկանիշները՝ բացառելով տարակերպ մեկնաբանությունը, հնարավոր մասնակիցների համար պետք է ապահովեն մրցակցության հավասար պայմաններ, դրանով իսկ բացառելով գնումների գործընթացում մրցակցության համար չհիմնավորված խոչընդոտների առաջացումը: Ինչպես նաև բնութագրին օբյեկտիվորեն հիմնավորված և համարժեք պետք է լինի այն կարիքին, որի բավարարման նպատակով հայտարարվել է Ընթացակարգը:

Սույն գործի փաստերի համաձայն՝ «Նորք-Մարաշ բժշկական կենտրոն» ՓԲԸ-ի կողմից բժշկական նշանակության ապրանքների ձեռքբերման նպատակով 15.02.2021թ.-ին հայտարարված «ՆՄԲԿ-ԲՄԱՊՁԲ-21/44» ծածկագրով բաց մրցույթի 21.05.2021թ.-ին փոփոխված հրավերի հավելված 6-ով՝ պետության կարիքների համար ապրանքի մատակարարման պայմանագրի հավելված 1-ով՝ տեխնիկական բնութագիր - գնման ժամանակացույցով 1-ին, 7-րդ, 8-րդ և 11-րդ չափաբաժինների մասով սահմանվել է ապրանքի անվանումը, տեխնիկական բնութագիրը և 2021թ.-ի գնման պլանով նախատեսված ընդհանուր քանակը՝ յուրաքանչյուր չափաբաժնի համար անհատապես, արտադրողի և ապրանքային նշանի անվանում չի սահմանվել:

Օրենքի 50-րդ հոդվածի 1-ին մասի 5-րդ ենթակետի համաձայն՝ գնումների հետ կապված բողոքներ քննող անձին բողոքը ներկայացվում է գրավոր, ստորագրված, դրանում ներառելով՝ ... բողոքի փաստացի և իրավական հիմքերը, ապացույցները:

Վկայակոչված հոդվածի վերլուծությունից հետևում է, որ ՀՀ գնումների հետ կապված բողոքներ քննող անձը բողոքի քննությունը հարուցում և իրականացնում է միմիայն ներկայացված բողոքի հիման վրա և ենթակա է քննության միայն դրա սահմաններում: Ընդ որում, բողոք ներկայացնելով՝ շահագրգիռ անձն ինքնուրույն է որոշում իր բողոքի պահանջի շրջանակը, ինչը տնօրինչականության սկզբունքի դրսևորման արդյունք է, որն անձի՝ ՀՀ Սահմանադրությամբ և օրենքով նրան տրված հնարավորությունն է սեփական հայեցողությամբ տնօրինելու իր նյութական և դատավարական (ընթացակարգային) իրավունքները և դրանց պաշտպանության եղանակները:

Բողոքներ քննող անձը հարկ է համարում արձանագրել, որ բողոքի փաստացի և իրավական հիմքերը, ապացույցները ներկայացնելու պարտականությունը դրված լինելով բողոքաբերի վրա, վերջինս է հանդիսանում շահագրգիռ այն անձը, ով, ինքնուրույն որոշելով իր բողոքի պահանջի շրջանակը, պետք է բողոքի հետ միաժամանակ ներկայացնի փաստացի և իրավական հիմքերը, ապացույցները՝ որպես բողոքի բավարարմանն ուղղված էական նշանակություն ունեցող հիմքեր ու հիմնավորումներ: Ընդ որում, օրենսդիրը չի սահմանափակում բողոքի փաստացի և իրավական հիմքերը, ապացույցները ներկայացնել միայն բողոքի հետ միաժամանակ, այլև բողոքաբերը կարող է ու զրկված չէ լրացնելու/փոփոխելու/նվազեցնելու բողոքի փաստացի և իրավական հիմքերը, ապացույցները գործի քննության ընթացքում:

Զարգացնելով վերոգրյալ իրավական դիրքորոշումը՝ Բողոքներ քննող անձը հարկ է համարում փաստել նաև, որ փաստացի և իրավական հիմքեր, ապացույցներ ներկայացնելու պարտականությունը կրում է նաև բողոքի քննությանը ներգրավված յուրաքանչյուր անձ և վերջինիս իր առարկությունների հիմքում ընկած փաստական հանգամանքները, որոնք ուղղված են բողոքով վկայակոչված փաստերի հերքմանը, պետք է նույնպես պարունակեն, ըստ էության, Օրենքի 50-րդ հոդվածի 1-ին մասի 5-րդ ենթակետով սահմանված դրույթներով նախատեսված փաստացի և իրավական հիմքեր, ապացույցներ:

Վերոնշյալ իրավական նորմերի ու փաստական հանգամանքների հիման վրա, դրանք համադրելով Ընկերության կողմից ներկայացված բողոքի փաստական հանգամանքներին, Բողոքներ քննող անձը հարկ է համարում փաստել, որ բոլոր այն

դեպքերում, երբ բողոքը ներկայացրած անձը բողոքարկում է գնման առարկայի բնութագրերը, նախաորակավորման հայտարարության կամ հրավերի պահանջները, մասնավորապես՝ երբ բողոքի վեճի առարկան հանդիսանում է հրավերում առկա որևէ պայմանի՝ գնումների օրենսդրությանը հակասելու հանգամանքը, ապա այդ՝ բողոքով վկայակոչված փաստական հանգամանքի ժխտման ապացուցման բեռը պետք է կրի պատվիրատուն, քանի որ Կարգի 22-րդ կետի իմաստով գնման առարկայի բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ և արտադրողներ: Ուստի, նման դեպքերում, բողոքի քննության ընթացակարգին մասնակցող պատվիրատուն է պարտավոր ապացուցել իր՝ հրավերով սահմանված գնման առարկայի բնութագրերի պահանջների և բողոքի առարկությունների հիմքում դրված ու գործի լուծման համար նշանակություն ունեցող փաստերն ու գնումների մասին ՀՀ օրենսդրությանը համապատասխանելու հանգամանքը:

Ամբողջ վերոգրյալների ու սույն գործի փաստերի հիման վրա, ուսումնասիրելով նաև Պատվիրատուի կողմից 10.06.2021թ.-ին թիվ 08-290 գրությամբ ներկայացված աղյուսակը (այսուհետ՝ Աղյուսակ), դրանում առկա հղումները, ինչպես նաև Բողոքի հանգամանքները՝ Բողոքներ քննող անձն արձանագրում է, որ տվյալ դեպքում, Պատվիրատուն մրցույթի 1-ին, 7-րդ, 8-րդ և 11-րդ չափաբաժինների մասով Բողոքներ քննող անձին ներկայացրել է վերաբերելի ապացույց առ այն, որ վերջինիս կողմից թույլ չի տրվել Օրենքի 13-րդ հոդվածով սահմանված դրույթների խախտում՝ հնարավոր մասնակիցների մրցակցության հավասար պայմանների խոչընդոտման առումով, և որ «ՆՄԲԿ-ԲՄԱՊՁԲ-21/44» ծածկագրով բաց մրցույթի Հավելված 1-ով նախատեսված՝ տեխնիկական բնութագիրը, նշված չափաբաժինների մասով, կազմված է և համապատասխանում է Օրենքի 13-րդ հոդվածի և Կարգի 22-րդ կետի դրույթներին, սահմանված տեխնիկական բնութագրում առկա չափորոշիչները չեն խոչընդոտում հնարավոր մասնակիցների մրցակցության հավասար պայմաններ ունենալու իրավունքը, ուստի մրցույթի 1-ին, 7-րդ, 8-րդ և 11-րդ չափաբաժինների մասով կազմված տեխնիկական բնութագրերը բխում են Օրենքի 13-րդ հոդվածով և Կարգի 22-րդ կետով սահմանված պահանջներից, ըստ այդմ՝ ենթակա չեն փոփոխման:

Բողոքի վեճի առարկա հանդիսացող չափաբաժինների մասով, բողոքի քննության ընթացքում ձեռք բերված փաստական հանգամանքների հիման վրա, Բողոքներ քննող անձը հարկ է համարում արձանագրել, որ այդ չափաբաժիններով կազմված տեխնիկական բնութագրերը համապատասխանում են Օրենքի 13-րդ

հողվածով և Կարգի 22-րդ կետով սահմանված պահանջներին, ապահովում են մրցակցության հավասար պայմաններ մասնակիցների համար և բավարարում են մեկից ավելի հնարավոր մասնակիցների և արտադրողների մասնակցությունը, ուստի բողոքն անհիմն է և ենթակա մերժման:

Ընդ որում, հարկ է նկատել, որ բողոքաբեր ընկերությունը Բողոքներ քննող անձին չի ներկայացրել նաև Պատվիրատուի կողմից ներկայացված Աղյուսակի վերլուծությունների վերաբերյալ առարկություններ:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում, Բողոքներ քննող անձը հանգում է այն եզրակացության, որ «Մեգիէլ» ՍՊԸ-ի կողմից բողոքով բերված փաստերն ու հանգամանքները՝ հնարավոր մասնակիցների մրցակցության հավասար պայմանների խոչընդոտման առումով, հիմնավոր չեն, իսկ Ընթացակարգի պահանջները հիմնավոր են, ինչի արդյունքում Ընթացակարգի գնահատող հանձնաժողովի կողմից թույլ չի տրվել Օրենքի 13-րդ հոդվածով և Կարգի 22-րդ կետով սահմանված պահանջների խախտում, որպիսի պայմաններում «Նորք-Մարաշ բժշկական կենտրոն» ՓԲԸ-ի կողմից հայտարարված «ՆՄԲԿ-ԲՄԱՊԶԲ-21/44» ծածկագրով բաց մրցույթի հրավերը՝ 1-ին, 7-րդ, 8-րդ և 11-րդ չափաբաժինների մասով, ենթակա չէ փոփոխման:

Անդրադառնալով Պատվիրատուի կողմից մրցույթի հրավերի 1-ին և 11-րդ չափաբաժիններում առկա առանձին բնութագրեր ունեցող գնման առարկաները մեկ չափաբաժնում խմբավորելու վերաբերյալ բողոքով ներկայացված իրավական և փաստական հանգամանքներին՝ Բողոքներ քննող անձը հարկ է համարում փաստել հետևյալը.

Օրենքի 25-րդ հոդվածի 2-րդ մասի համաձայն՝ արգելվում է խմբավորել առանձին բնութագրեր ունեցող գնման առարկաները մեկ չափաբաժնում, բացառությամբ այն դեպքերի, երբ պատվիրատուն հիմնավորում է նման խմբավորման անհրաժեշտությունը:

Վերոնշյալ հոդվածի վերլուծության արդյունքում՝ Բողոքներ քննող անձը հարկ է համարում փաստել, որ առանձին բնութագրեր ունեցող գնման առարկաների խմբավորումը թույլատրվում է միայն այն դեպքում, երբ պատվիրատուն հիմնավորում է նման խմբավորման անհրաժեշտությունը, և միևնույն ժամանակ, սույն դրույթը քննարկելով գնումների օրենսդրության համատեքստում, Բողոքներ քննող անձը գալիս է այն եզրահանգման, որ խմբավորումը չպետք է հանգեցնի հնարավոր մասնակիցների և արտադրողների մասնակցության սահմանափակմանը, քանի որ գնման առարկայի

բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ և արտադրողներ:

Բողոքներ քննող անձը հարկ է համարում փաստել, որ Օրենքի 25-րդ հոդվածի 2-րդ մասով նախատեսված իրավակարգավորման կիրառման համար՝ անկախ հիմնավոր լինելու կամ չլինելու և հիմնավորվածության աստիճանի (օբյեկտիվ հանգամանքներից ելնելով), Պատվիրատուն պետք է նախ և առաջ հաշվի առնի Օրենքի 13-րդ հոդվածի 2-րդ մասով և Կարգի 22-րդ կետով նախատեսված դրույթները՝ հնարավոր մասնակիցների համար ապահովի մրցակցության հավասար պայմաններ, դրանով իսկ բացառելով գնումների գործընթացում մրցակցության համար չհիմնավորված խոչընդոտների առաջացումը: Նշված դրույթների կիրառումն ապահովելուց հետո նոր միայն Պատվիրատուն կարող է առանձին բնութագրեր ունեցող գնման առարկաները խմբավորել մեկ չափաբաժնում՝ հիմնավորելով խմբավորելու անհրաժեշտությունը, դրա օրինաչափությունն ու հիմնավորվածությունը՝ ելնելով օբյեկտիվ պատճառներից ու այլընտրանքային՝ առանձին բնութագրեր ունեցող գնման առարկաների տարբեր չափաբաժիններում ներառելու հնարավորության բացակայությունից:

Ամբողջացնելով վերոնշյալները՝ Բողոքներ քննող անձը եզրահանգում է, որ նախ և առաջ՝ առանձին բնութագրեր ունեցող գնման առարկաները մեկ չափաբաժնում խմբավորելու հարցի քննարկումը պետք է դիտարկել Օրենքի 13-րդ հոդվածի 2-րդ մասի և Կարգի 22-րդ կետի համատեքստում, այնուհետև՝ դիտարկել այն որպես առանձին իրավակարգավորող դրույթ՝ անդրադառնալով հիմնավորվածությանն ու օրինաչափությանը:

Ելնելով վերոնշյալ իրավական և փաստական հանգամանքներից, մասնավորապես որ՝ վեճի առարկա հանդիսացող չափաբաժիններով սահմանված բնութագրերը համապատասխանում են Օրենքի 13-րդ հոդվածի և Կարգի 22-րդ կետի դրույթներին, ինչպես նաև հաշվի առնելով, որ Պատվիրատուի կողմից կատարվել է ՀՀ գնումների հետ կապված բողոքներ քննող անձի 21.05.2021թ.-ին կայացված թիվ ԳԲՔԱ-ԼՕ-2021/30 ծածկագրով որոշումը, որով, փաստացիորեն, Հրավերի 1-ին, 7-րդ, 8-րդ և 11-րդ չափաբաժինների բնութագրերը համապատասխանեցվել է վերը նշված նորմերի դրույթներին, ուստի, նման պայմաններում, անդրադառնալով բողոքով ներկայացված Օրենքի 25-րդ կետի դրույթների խախտման հիմքերին, Բողոքներ քննող անձը, գտնում է, որ դրանք անհիմն են, քանի որ Պատվիրատուն, որպես Օրենքի 25-րդ հոդվածի 2-րդ մասով սահմանված դրույթների կիրառման հիմնավորում, նույն

Ընթացակարգի շրջանակներում քննված մեկ այլ՝ թիվ ԳԲԲԱ-ԼՕ-2021/30 ծածկագրով բողոքի քննության շրջանակներում Բողոքներ քննող անձին է ներկայացրել 20.04.2021թ.-ին թվագրված մասնագիտական կարծիք և ՀՀ ԱՆ նախարարի 22.07.2016թ.-ի թիվ ԱՄ/06.1/8130-16 գրությանն ի պատասխան ՀՀ ֆինանսների նախարարության կողմից տրված գրությունը, առ այն, որ հաշվի առնելով այն հանգամանք, որ տվյալ դեպքում Գրության մեջ նշված գնման առարկաների մասով տարվա ընթացքում առկա է լինում փաստացի կարիքի փոփոխություն, առաջարկել են այդ գնման առարկաների գնման գործընթացը կազմակերպել դրանց համար գնումների պլանով հաստատված /կամ գնումների պլանում համապատասխան գումարը ներառելիս դրա հաշվարկի հիմքում ընկած/ ամբողջ քանակի համար՝ հրավերով նախատեսելով, որ մասնակիցները պետք է գնային առաջարկը ներկայացնեն այդ խմբաքանակի համար, իսկ գնման առարկաները փաստացի կմատակարարվեն՝ ըստ պատվիրատուի կողմից ներկայացվող պահանջի:

Ուստի, վերը նշված եզրահանգումներով պայմանավորված, Բողոքներ քննող անձը գտնում է, որ Պատվիրատուի կողմից չեն խախտվել Օրենքի 25-րդ հոդվածի 2-րդ մասով սահմանված դրույթները, որպիսի պայմաններում, Հրավերի 1-ին և 11-րդ չափաբաժիններում փոփոխություններ կատարելու մասին պահանջն ենթակա չէ բավարարման:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների հետ կապված բողոքներ քննող անձը,

### **Ո Ր Ո Շ Ե Ց**

«Մեգիէլ» ՍՊԸ-ի կողմից 04.06.2021թ.-ին ներկայացված ԳԲԲԱ-ԼՕ-2021/44 ծածկագրով բողոքը մերժել ամբողջությամբ՝ անհիմն լինելու պատճառաբանությամբ:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**ՀՀ ԳՆՈՒՄՆԵՐԻ ՀԵՏ ԿԱՊՎԱԾ**



ԲՈՂՈՔՆԵՐ ՔՆՆՈՂ ԱՆՁ՝  
ՕՀԱՆՅԱՆ

ԼԵՎՈՆ